



MANISIGGED IGAR MAIDBA DASULIR

ODALOGED

Sabga sogmaidba we dule mimmi bendagsurye geb ega mani burba nagusadbba igar imagsasulir, deob sabga manisiggedgad nosdibe we igargi arbaledoe

We bendagleged egislenaid, geb egi immar welegoed egislenaibalid oisolegoed Municipiomargi Juzgadomar civilesgadgi (**Juzgados Municipales Civiles**) e mani bur miliaddarba (B/. 5,000.00) bibbigwar geb **Juzgados Circuito Civilse** oisolegoed egi obindibe miliaddarba(B/. 500.1.00) we igargi arbalegegala abisuamar abelegosuli, sunna warguen be igar imagedd.

IBUMAR ABELEGE

- ✓ Sabga gi be egisnaidd be Registro Unico de Entradase (RUE) be sedoed,, we sadesundibe biddi juzgado arbasii ase seledsunnoed..
- ✓ Doa mimmi bendaged egisnaih a dule na cedula sedoe
- ✓ Mimmigan bendaglenaid e gwalulesad sabga seledbbaloe.
- ✓ Municipiomargi Juzgadomar Neguya Dagbuggwad (Juzgado Municipal de Familia) sulir Juzgado mimmigan, nusskana dagbuggwadse (Juzgado de Niñez y Adolescencia) sabga sobsadi a sedoed, we sabga sogega igar maidba we imaglenaye e goo burba notario mesoe, geb sognai igi mani galesi e iba ega nagusadba.
- ✓ Sabga Siggwi narmagsad (informe) eba mai noniggoe igi mani ganiggi.

IGARBA DASULID MANISIGGED IGAR AMIED

Igarmar N°	Odaloged
1	Dule egi arbanaid (usuario) bendaglegega sabgamar we galuse sunaoe: Centros de Información y Atención al Ciudadanose (CIAC), degsulir baid galuse Juzgado Municipal Civilse geb sunnabali Juzgado de Circuito Civilse ibumala abelegoe seledega geb seledbaloe sabga narmaglesad mimmi bendagsulidgad manisiglesad igar maidbba. Deugginbali sunna nabir egislebali dulemar wegi arbamaladse <i>facilitadores judiciales</i> be neggweburgi. Bela sabgamar abeleged niggadibe, sedoe Registro Único de Entradase (RUE) we galu sadeddibe Juzgado Municipal Civilse sedoed saddebalir a galu Circuito Civilse.

2	RUEse berbeabdibe we sabgamar mimimogoe geb ugmogoe juzgadose galu ue igar dagsidgad.
3	Juzgado argagweloe egi nergusar geb abingaoe. Despachogi dagleardibe sabgamar noar narmagale sabgamar amba nabbibali, geb egissoe sabgamar nabbid geb nudaggoed . Dule igar imagnaid (usuario) sabga nudagsurdibe amba sabgamar abeleged onmagsurdibe, sabgamar yogsabolear geb bar eigargi arbalegosuli.
4	Sabgamar sogedba ugles, geb nabir nudagsabardibe, igarganmar dogsasundibe nuedgi, juzgado sabga (resolución) onogoeed “na abingasye” ega igar amilegoed e benuggoedgad, we galu sogedba geb goloe dule gi arbalenaid se (demandado) galumarse naega.
5	Owisogoe dule we galugi arbaed Centro de Comunicaciones Judiciales (CCJ), sulile juzgadogi dule arbaed, owisogoe dule igarba dasulidgga (demandado), galuse dagega.
6	We dule (demandado) ese gollenaidgi, nanasurdibe juzgadose, Tribunal sogdoed sabga wargwen onolegoye diarioginye ibabbaa (3 días) wilub onolegoed owisolegega deginbali ibambe (10 días) galumargi sabgamar nagubalo oyolenaguoed Tribunalyagi. Sabga onolesadgi amba daglesurdibe, wissurmalad bia nade, ibaddar wilub e sabga naguoe. Belagwable igar sogedba imaglesdibe, geb dulese gollesid ibambe wilub ega uglegoed daggega igar iddolenaidse.
7	Dulese gollesid (demandado) benugnonigid, juzgado sabga narmagsunnoed wese igar bergunoniye. Dule benugsurdibe (demandado) dule egisnaid (usuario) sunna egised ega immar weleged geb sabga eba mai onaggoed sogega ise wilegar an gudiye, mani saddedba. We sabga narmagar onaggoed sun iduar oyolege sulir igar iddolenaidgi.
8	Dule igar imagnaid (usuario) ese egislealir sogoed, bibbisale manigwensaled an dagmasurye, geb mimmi bendagmagsurba ega immar ugdisurba.
9	Dule igar imagnaid (usuario) sogedba sabga oyosurdibe, galu (juzgado) anna daggedbba igar sasunnoe.
10	Juzgadogi soglegoe inmar egi wesunye, juez egi arbaoedid sogedba sunna alguacil ejecutor imagmoga.e igar maidba.
11	Owisolegoe dule egisnaidga, we igar imaglenaid.
12	Dule eibe inmar welegoed iba baabag (8 días) nigga abinsaega Juzgado de Circuitogine geb ibagge (4 días) juzgado municipal giner. Abinsaegala ibu sabgamar nigga dibe na oyomogoe sogedba.

13	Dulese gollesid mani ganiggidse (demandado), sogedba mani galesid gwable bennusdibe yog igar amilenaid berguar.
14	Dule mani ganiggid (demandado) benugsurdibe adi bela eibe immar welegoe. We immar welesad amba manisig galaggudibe, uglesunnoe egi immar welesmalad.
Wese bergussi	